

小重山房詩詞全集

詩船詩錄卷五

華亭 張祥河 元卿

櫟社子歌爲賓谷先生壽

是何材也靈光殿事業文章萬人見稱爲散材
誰曰善櫟社子乃公自稱不用之用成眾能名
山養壽日月增不然霓節爛霄漢銅鼓清聲部
苗按人比公材 國楨幹東南赤幟地望尊詩
境老去蟠仙根人仰公材郢匠門公獨冲襟對
天下當今扶輪孰大雅落落晨星舊同社社中

大木可蔽牛觀者如市枝屈蚪規規繩墨夫何
尤松喬祝公公勿許公曰櫟乎吾與汝吾愛莊
生夢中語

扈從南苑春浦供奉見示丁亥年圍次舊
作五十韻依元韻和之

蒐典宣戎政 皇威啟獵場 翠旂瞻曉日羽
帳憶秋霜載聽鳴弓響重參雲筆行林環熊館
近路轉鳳河長列仗千門肅平沙萬騎忙天高
知野靜土厚引泉涼肄武於斯盛成功不敢康

騶虞材濟濟麟藪德洋洋
南草狐難竄神弧虎
亦僵紅門看撒陳黃盾
作圍牆甲冑披花燦旌
旗撲絮狂鏃芒飛的爍
鼓韻雜琅璫鸞臈鈴銜
轡鵬翩矢納房營看三
匝合士盡百夫防障扇
多文雉聯鑣翼紫鳳
乘輿隨四校令序協東
皇廣錫農司幣咸充海
戶糧游畋心豈侈騎射
訓無忘前武仍花準嘉
名肇肅驕芻蕘文
園往且覓國風詳曩歲
芳園幸西陲落照黃祆
徒剛伏莽遺孽集奔驍
嶠負蛩依駟塵飛犬逐

羊遁逃猶困鬪，煽惑竟驍強。
脫檻牙方利，驅車臂敢當。
專征麾節鉞，定策靖櫓槍。
七萃雄兵選，三韓勁旅張。
封侯資相略，典衛備軍裝。
邊報星郵達，行宮叶食常。
揮戈收大漠，漏網走窮荒。
凱撤廬休養，師貞筮吉祥。
游魂空閃閃，殘喘卒徨徨。
鼓角殘年逼，山河大雪翔。
銜枚嗤黠鼠，就縛致貪狼。
擢髮誠難數，戕身迄未遑。
紅旗馳頽利，白組獻長楊。
顯戮鳴音戢，天休虎拜揚。
邊籌歸善後，廟算運無旁。
圖像凌高閣，烽烟

宿戒壇寺雨示竹泉

鐘梵一時歇，溼雲吹滿天。
論詩千佛裏，下榻萬松巔。
靜境殘檐滴，寒聲動澗泉。
不嫌頻翦燭，岑對欲無眠。

馬鞍山道中

戒壇至潭柘，距一十八里。
籃輿細路穿高下，石齒齒昨宵一雨過。
枯澗微有水，松毛綠添肥。
橫枝影披哆，遙天豁朝雲。
山罅露城市，眾峯湧海潮。
一折一奇詭，盪胸無俗塵。
入山真可喜。

十里一息肩，昇夫亦云僊。前輿接後輿，風順遞清話。道旁指神旗，進步上牆壞。疏籬自在春，漏屋天然畫。地僻尠井泉，幸近龍潭界。瓦甌方致水，煮茗渴疾解。

茗香風泠然，時見馱水者。椎髻皆負嬰，土俗樸且野。行行聞鐘聲，羣松抱蘭若。澣衣多青紅，列坐澄潭下。亦有導行人，寺門先繫馬。

潭柘寺

偃蓋松亭亭，山門蒼翠裏。千章潭上陌，早與龍

化矣惟留古銀杏幢幢天尺咫
本朝朱果祥
此復珍符紀佛雲持護深高可殿鴟峙

振衣上丹梯寺在羣山心九峯展而立勢若朝
觀音妙巖拜甌留甌上雙趺深信心更一家四
像傳祇林

山頂引泉脈百道階除經上方琴筑響晝夜曾
不停近山五里餘遠汲常罄瓶何當地湧泉穿
井波潄潄願佛發洪願先布花雨馨微聞清風
來吹過流杯亭

亭爲潭栢
八景之一

一閣面南屏映帶皆修竹延清閣宜開軒於茲

敞遠目西江兩詩老

曾賓谷吳蘭雪二丈

昨聞信且宿吾

今住戒壇歸騎促童僕一揖謝山靈得句明朝

續

經羅喉嶺

仍覓來時路雙輿載夕陽蜂窩空屋矮虎跡大

山荒昨夢真成讖

昨年夢中曾得此境

茲游未可忘題詩

付巖壁我意獨蒼茫

戒壇

波離尊者往硯石溯遼金花雨空初地鐘魚有
古音談禪上中下閱客去來今慧業吾滋愧聊
存見道心

過潭柘下院

鑷沙蹄鐵幾銷磨危磴旋平下院過一剎山中
三夜宿來時花較去時多

石景山

朝拂吟鞵別戒臺尙饒逸興陟崔嵬河流北折
桑乾下山色東趨石景來古塔風尖仙梵寂頽

垣春暮野花開玉泉金閣當年盛付與殘僧話
劫灰

渾河

危橋扶客渡渾波聽到駝鈴落日多大漠來源
經馬邑盧溝急溜走狼窩清時無復長隄築壯
士何勞易水歌一任看山冶游侶春來車騎織
如梭

小屯

路轉沙洲轍跡交秘魔厓指眾山功停鞭各問

新成句小店茶帘出柳梢

秘魔厓

巨靈無此天公巧石勢擎空學龍爪江南盧師
具何術二龍入侍都馴擾擗筇厓口石亂橫白
日不見神霧生何當一雨澗飛瀑領珠排作晶
簾明青銅之柯早仙去盧師手植
柏已無存但餘橡葉迎
朝曙槎牙滿日證果難寺名尸陀林深不知處
貂璫昔日來乞靈喜捨金幣糜宮庭得毋貽笑
大小青鬼蜮幸而逃雷霆今也豐碑猶屹向我

思曳倒橫河上呼龍滌硯萬頃流作詩呈佛法
魔障

望香積寺

一山寺有九最高者香積盤輿沮不前曲磴踞
大石問子濟勝具一笑無雙翮小憩聽迦陵風
來各岸幘玉蘭春始花殘雪與之白徒看數里
雲清磬出林隙

靈光寺

一塔萬鈴語風前詩思清山空橡子落徑僻朮

苗生二客自瀟灑孤僧無送迎惟餘翠微戀策蹇遲歸程

天光寺

龍象山荒佛門大佛院花開黃綬帶推窗東望
昌平城十三陵在斜陽明伊蒲破律致肴酒醉
後穿雲亂峯走枯泉側出苔石香味如醍醐一
劑嘗眾客留連還促膝馬識歸途已先逸芒鞋
可踏筇可扶茲山近接昆明湖幽邃之境何地
無道人捨髮裝神鬚

自題烟雲如意圖

筆底煙雲愧難化足底煙雲詫無價南登仙霞
北巫閭東陟日觀西潭柘人生壯遊隨所之去
景今追夢清夜

和斌笠耕北部游大覺寺五十韻

金繩開覺路花雨綠陰天宗法來西竺招提起
北燕遙瞻林鬱鬱已聽水濺濺空澗聲幽咽暘
臺名山勢折旋埜橋平似砥官道直如弦選勝知
香積尋詩到善權披晴雲礙帽飛絮雪盈韞小

阮偕游好良辰數騎連知君避喧擾養性得安

便初祖開山日含虛說偈傳聚徒方丈眾喜捨

內家先僧號追封晉遼碑奉勅宣靈源戒定慧

靜境妙明圓圓明靜妙禪師智光遠天順中追封大通法王陳迹爪同

印忘言心受詮岐亭坡老熟茅屋已公賢揮塵

松枝瘦浮杯竹溜涓池中銅漏永袖底寶書虔

鴿肥祥飈裏鴟明旭日邊攀藤梯可上拂蘚坐

頻遷丹篆高題額青珉遠紀年佛光番塔擁嵐

翠畫屏偏搜僻巖阿舊耽吟晷刻延三乘胸鏡

激十地智珠懸秀句岡排玉鴻詞谷吐煖官聲
跨吳豫門業溯嵩瀍霞表神同鶴騷人骨本仙
聞鐘行晚晚看瀑寫淙潺古月三千界春風四
萬錢咀含宜白石渲染有紅泉辱示瓊章粲何
時客袂聯清游方定約雅韻許尋沿展卷涼堂
憩焚香俗慮蠲鉢瓶方外契龍象法中筵引悟
蒲團設消煩茗鉶煎繫懷金碧地擬結薜蘿緣
昨者登臨興西峯落彩牋紆維探古剎服食慕
唐仝寶氣韜珠洞星輝摘斗躔泠泠潭栢什謖

謬戒墮篇樹老承飛蓋溪鳴雜夜絃墨華繙梵
夾米汁倒觥船淨土雙丸影渾河萬頃煙微符
銀杏瑞鑿空秘崖堅誰叩圖澄腹將扶孝綽肩
郵筒雖阻卻振佩兩飄然握手芳園乍談山閨
夏前隨車吾往矣導徑子先焉塵海襟期合沙
門禮數捐饒來應啖芋咒處或生蓮對管重賡
夕同參一味禪

送顧晴芬侍郎予告回錫山

幾人裘繡換初衣皖水吳門見亦稀

謂黃左田
師韓桂舫

丈先後于絕塞芻糧軍事葢故山芝朮材肥
告歸里長瞻化日依丹闕豈爲秋風上釣磯昨歲梁
溪曾艤楫閒鷗寄語盼公歸

送玉硯農先生之任伊犁將軍

西顧天山重安邊仗近臣白頭威望在丹詔
羽旄新雁磧千盤路龍驤七尺身經文兼緯武
萬眾仰天神

去協夷民望東都別緒長觚棱雙鳳影桂栢萬
荷香祖道隨甘雨邊關及早涼公心馳遠略私

戀在門牆

絕塞頻持節身輕萬里行駐驂曾佛土按部憶
羌城輿籍坡仙掌貔貅杜庫兵淩煙高閣上親

見武功成

昨以紅旗奏捷
圖形紫光閣

洗甲櫓槍落方資善後宜大荒新墾種諸部舊
瘡痕牧雪招宛馬台星控將旗九天徵召速
看勒去思碑

通州城外

八里橋邊路秋陽卓午天沙平剛騁馬樹靜尙

鳴蟬 車駕初程肅魚鹽近市聞微聞通漕速
目送潞河船

行帳二首同許滇生同年作

布旗風色動千竿斜日征人乍卸鞍
駝背漫攜家具穩
蝸形笑拓客廬寬
冰紗翦水開雙牖
碧蔓牽繩當曲闌
古塞盧龍山翠繞
松寮竹屋要同看

扈隨那省有塵勞 黃幄東巡慶此遭
遼海風煙秋戍靜
榆關星月夜天高
市城鐙影連營肅

大營以外
圍鏖作城
隔幔詩聲
琅筆豪笑
我牽船常
入夢
平沙何異
住蘭舫

柳新莊

殘月曉逾白
聞雞菱舍行
遠峯駝背影
驟雨馬
蹏聲沙迥欲
成磧邨喧漸
入城龍泉山
下水洗
眼有餘清

灤州

灤州方入境
一路好山迎
祠宇商孤竹
河流漢
石城疏松森
古節鮮栗綻
朝晴四望豐
登象耆

民賀太平

灤河橋

灤河橋亘二里雙虹陡向山凹起夜鐙照路千
盞紅闌干厯厯星排空人來渡口詫奇景舍車
策騎鎧光中澄波不動魚龍戢細響但聞中溜
急回頭殘月在山缺孤竹城高曉煙溼曉煙蕩
漾殘月沈橋身顯露河中心河中心鐙上下鐙
亂星移光激射渴虹下飲若交舞戲弄驪珠真
不夜我行得得雙眼花過橋馬疾知平沙青龍

橋名再度水無影前途犖确波羅嶺

出關

嚴關魚鑰五更催萬騎騰驤逼曉開雲氣籠山
從左抱日華扶海向東來稱雄自昔長城倚統
眾伊誰大將才一自中原驅亂賊興京 皇業
接燕臺

姜女廟

片石嶙峋削翠苔人傳姜女望夫臺紅闌百級
梯雲上天半姮娥捧鏡來

杏山

平沙浩浩助英風
大碣巍巍述武功
祭纛重關星墮
刳銜枚一夜雨
飛空山光猶罩
烽煙紫海水曾流
戰血紅不是神
幾先制勝十三萬
眾孰非雄

北鎮廟望醫巫閭山

千仞巉巖控大東
幽州北鎮古稱雄
巡方典朔虞書外
扼險圖歸禹甸中
丹穴有源通聖水
翠屏無礙障天風
託雲萬卷堂何在
猶想開軒

海日紅

雨夜度薩爾淞

渾河浩浩趨遼東木厨

薩爾淞漢語曰木厨

山勢雲橫空

戰場荼火猶在目

天戈所向無沙蟲當時明

兵分四路西路兵多此山駐荒堠驚烽偵卒馳

危橋落日全軍渡

聖謨克敵首攻堅兩翼交

衝轉戰前關外連營稱冊萬東來列騎僅逾千

一家

神武親弓矢自起興京用兵始半夜江

聲據吉崖四旗風力摧中壘橫矛上將盡興尸

劉綰南軍亦不支戰骨長波隨雁驚捷音五日
奏熊羆塵沙迅掃聲威赫從此 皇圖奠磐石
折戟還埋地下多吹燐尙見岡頭碧我來山麓
走殘更驟雨當車霹靂鳴電閃旌門前度影霍
飛矢石昔年聲平明山獻芙蓉萼萬竈炊煙上
墟落雜樹丹黃頓放晴風光何異江南樂

古魯邨

邨路直山腹虹梁界水偏雉馴知趁旭馬渴亦
聽泉高樹丹黃絢渾河渤澥連遙瞻葱鬱氣坑

谷帶新煙

夏原

一夕駐鹽廬朝來起草徐四山紅樹裏萬竈曉
霜初列爵稽勳閣來龍證地書興京天咫尺
肇迹溯郊居

地藏寺在興京城外

法界多名刹茲推第一門經從天府備佛在
帝鄉尊老樹松成塔疏花菊作樊鐘魚當午
靜爲我證問根

上夾河

河水西流折還轅第一程
竈留前度影旗展昨朝晴
列繡山田錯分基野是明
振衣來晚眺厓壁在前旌

萬柳堂

廉相池塘在玉京此間萬柳亦齊名
出關暖意多沿卡夾道濃陰直到城
濁酒壚前添客思短衣馬上聽秋聲
臂鷹身手從來健不作蠻腰舞態輕

登醫巫閭山

秉燭戒脂牽獨往心自堅狂飈雖阻程曉霽仍
著鞭疊道趁平坦紅橋相折旋閭山遠勢橫累
石由天然高者獅象蹲低者虬龍眠扶闌瞰深
澗有屋當路徧微聞松濤聲亟欲躋其巔

盤道凡兩折上見聖水盆石屋混沌開檐滴盈
窪尊一佛眾菩薩中坐參闍根將身入晶簾但
覺秋雨繁秋雨無少歇洗眼余忘言

老僧徵舊聞屋右曾蟄龍當時作霖雨泰岱應

同封在山肯蠖屈散爪濃雲濃靈源本可借一
出百族從余生別無愛手攬青芙蓉何來海東

人題字窮高峯

石壁朝鮮人
題名爲多

高峯多喬林奚止珣玕琪傑閣禮大士妙鬘雲
自披金碧兩亭峙望海升朝曦龍君捧瑛盤出
掛扶桑枝茲來日當午滿目煙迷離風聲戛松
聲動搖三山移振衣踏蒼鱗飄飄欲何之

客從棲霞來告余不數步山徑摘秋梨甘比楊
枝露余方憩高亭東望知有路惜哉已繭足曾

無濟勝具遼王萬卷堂亦復闕疑付

平居數游蹟入夢天荒荒東搜日觀奇南挹仙
霞光扈隨復何幸北鎮瞻升香不此拓詩境空
負關門望上馬復下馬斜照心旁皇歸將圖真
形回顧山顏蒼藤蘿是纓帶紅樹以爲裳

調馬

柳陰最喜牧場寬調馬平岡路幾盤一自大凌
河上過從臣多半錦州鞍

籠鷺

龍驚帳外伴歸程夢醒鐙前夜氣清疑是巫閭
山頂宿繞廬松月鶴支更

郵詩

鷺郵按日寄詩還輾轉征途意自閒馬上車前
拾殘句何曾著力寫關山

乞酒

青州從事許相過乞酒翻嗤得酒多莫說東來
佳釀遠海帆一水達遼河

澄海樓

天水涵空盪金碧招手龍君樓百尺長城高過
結搆牢鼇柱端端鎮磐石榆關襟帶滄海流關
門未見先見樓邊風入耳海濤沸搏枝已掛珊
瑚鉤前期我負三山望歸路停鞭倍神王危牆
波撼百雉搖斷壁雲摩一亭向檐楹倬與霄漢
齊大光明在青玻瓈修鯨出浪拜帝座神鳥
繚影瞻天題元虛作賦聲澎湃放眼茫茫大
千界仙桄直上百級寬地軸爭迴九州隘何當
清曉候日華跋烏未躍溼霧遮霞扇一啟水晶

域火輪突擁羲和車不然看月金波朗洗鏡煙
銷光萬丈羽衣起舞雙鶴翔鐵笛橫吹七星響
朝潮夕汐跳雙丸百年幾客來凭闌胸中雲夢
吞八九足底魚龍游汗漫吐納江湖此水府隆
棟輦飛照千古武昌黃鶴未見奇洞庭岳陽何
足數東來滿袖閩山雲振衣蓬島相氤氲詩篇
欲付海天唱一笑或可酬龍君

夜雪發柳新莊

暴風夜半來吹帳勢欲折風止聞雨聲不知已

飛雪僕夫走相告皚皚滿深轍寒光侵燭輝六
花迷眼纈早行戒緩轡常恐滑蹶鐵一白高下
阪露出沙痕齧前溪放聞聲看瀉銀濤潔
林表雲忽開四山互明晦朝暎照客衣殘雪在
馬背雪晴如霜晴陡覺寒威退一時土硯融收
入瓊瑤碎野人出籬落除道歡秉耒
立冬後六日快雪正及時近畿計秋成九分盈
無虧 丹毫先志喜豐歲 時巡宜昨者見郵
章告稔來西陲屯田墾種新大漠廢可治想况

玉龍飛冰山有餘姿

書石君先生蘇嶺題壁詩後

公與笥河先生先後視學

閩中

軾轍題名接古歡嶺頭日月走雙丸寺門留帶

山何幸詩句籠紗墨未殘傳鉢盤陀千磊砢照

人清節萬琅玕海天我亦蒼茫感曾賦南游一

倚闌

曾於嶺上兩讀公詩

茱堂京兆餽莼菜

十年不嘗鹽豉味老饒分餉春波膩盈桴葉葉

作乾綠千里湖寬是誰寄戒余竈下添食單沃
以清泉略須沸鑽籬菜羹差可調貯之官哥好
罈器北來釵股客心詫東望鱸魚鄉思慰三更
柳上風露秋一洗筵前煙火氣

贈張南山司馬卽題其聽松廬詩藁後

下直輒鍵戶矧當溽暑天招客輒開徑矧遇詩
中仙宣南詩社近寥落百花洲前一老鶴謂賓
生蓮花博士種花去蘭雪尤刺健筆何人控霄
嶠吾宗海內有數才舊卷攜自東瀛來出我喉

中昨宵鯁令我一夕傾百杯十年前在湖樓上
萬葉香中發高唱伏櫪雄心一第難搔首青天
醉相向茲來握手前致詞數莖各長吟邊髭通
才不到玉堂裏天與楚水湘雲奇僕以微官綴
樞地聽爾黃州作仙吏酒痕飛上漢臯珮但有
相思香草意松聲謾謾凡響無乾坤清氣爲君
廬學人論詩實非是畢歲屹屹胡爲乎詩本天
真自可喜古人辭尙達而已瓊波詭譎固霸才
訓詁入詩詩亦死尊前放論追漢唐得勿笑我

醉後狂回看酒畔過新雨古月照人襟袖黃

和張芥航河卽自黃河口出海夜泊開山

紀事詩

治河識河病中泓日高仰有謂海口淤洪流阻
潏潏海口舊有攔門沙兩尖南北如叉了長隄
盡頭水面闊天水無際一綫斜使者乘槎今博
望笑持忠信告波浪平生熟讀河渠書豈止斯
游滄海壯三神山在縹緲間舟行沙背落日殷
閩王之鼻沙盡處片帆駛避趨開山茲行一百

卅餘里東注滔滔客心喜深二丈强淺丈强沙
隨海口屢移矣老漁遠溯乾隆年方今水勢猶
從前攔門沙移大海近試嘗水味鹹果然先生
駕意闊奇險鯨鼉夾舟雲霧斂天輪激轉地軸
迴賦海詩雄不相掩歸途倚馬馳奏章事必親
厯理始彰 天子曰俞河臣張履勘至是精且
詳公抱隱憂思稱職河病一時挽無力倒塘灌
運豈可常何日束水長隄長鳴呼何日束水長
隄長

芥航河卽遊焦山欲以諸葛銅鼓鎮山門

神物合并各千古試看焦山勝銅鼓山中周鼎

寶氣充誰與喜捨其廚銅

阮芸臺制府施定陶鼎於山門

兩鼎

相輝一鼓映近有阮公又我公公才不愧潘蘄

後手挽黃流探海口歸江湖水利宣導巡視南

來游亦偶山僧退院如老梅

謂借港長老

爲公特下

般若臺江頭單舸無別客乃其諸葛先生來我

昨三山旋使節載酒紅船浪衝雪

戊子冬余自閩旋京留詩

中山夕陽樓下拾殘句江月茫茫對僧別近發公

書增俯仰南天合有懷人想入門先讀瘞鶴銘
上堂再拜椒山像注江支流在目前請公縱目
山之巔洪波高堰勞堵築瓜洲渡口蕪城煙金
山照耀坡公玉對此藤蘿繡銅綠會譜諸天韜
韜詞何如苗寨蘆笙曲

秋柳和賓谷先生韻

喚回春夢已秋殘羌笛聲中一倚闌絕塞傳聞
金鼓震渾河照見鐵衣寒邊塵無復長條結戍
客難爲故壘看猶記陌頭樓上句封侯歸去幾

家歡

遙空雁陣幾行添
又見征塵拂帽檐
重九花光杯草草
初三弓掾月纖纖
草荒大漠河源黯
風勁天山馬耳尖
還是紅霞照高樹
不堪重掛舊疏簾

芥航河帥見遺先
公天瓶齋墨蹟九札錢
梅溪丈亦以先公墮馬傷臂詩冊見遺
兩公以故物歸余盛誼可感因寄舊藏硯與
李長蘅草閣江深畫分報之

墨雲散天下有時亦歸山玉虹吾家物手蹟得
頗艱 純廟南巡年搜羅盡江關祇今片羽珍
錦帙光爛爛兩公鄭重心高誼誰能攀臨池再
拜受所媿筆力孱古人重投報此例安可刪拂
吾舊硯田鸛眼苔文斑展吾舊畫義草閣滄波
閒一登修竹座芥翁得坡可墨竹署所居爲二竹齋一寄梅花灣
勝之以小詩兩公當開顏稀世不獨寶任天爲
往還求馬與求石欲笑前賢慳

晚過大樹菴因寄笠耕比部

行飯更何適精藍時一尋畫廊新塑馬花架靜
調禽佳節談禪約詩人聽雨心袈裟傳韻事君
寺中有袈裟障雨圖何夕此重吟

寄三女弟

斲就琴材是女貞筆牀硯匣有餘情古犁邱上
來禽館深媿邢侗八法名

徐熙葬監試索畫梅竹水仙

妍花何取傍人紅扶榦能禁獵獵風卻寫淩寒
三四種比君亮節柏臺中

徐秋潭將軍塞上吟題後

凍毫寫得雪山春
聽唱甘涼字字新
蠻石儼成羅漢骨
關雲時現美人身
渾河橫槊吟何壯
夜帳觀書望若神
公是中朝班定遠
焉耆仁愛在回民

末有焉耆獄樂府一篇焉耆即今喀喇沙爾地

詩齡詩錄卷五終

雷補同重校

詩船詩錄卷六

華亭 張祥河 元卿

趵突泉

石竇倒噴東海水
蟄龍千年伏思起
天輪激轉地軸迴
突兀奇觀乃有此
塵中洗我凡念清
鷲招手尋詩盟
入門忽訝怒濤沸
憑檻眞見奔湍生
時也東風遲解凍
水澤冰堅羣寒霧
獨爾源頭貯碧泓
漫天雨腳飛銀甕
神仙幻境不喜平
殘碑鑿險誰留名
南豐一傳玉水句
松雪再

聽明湖聲七十二泉此爲冠照耀天章倬雲
漢半池荇藻香愈澄三洞琤琮潔可盥歷下亭
邊滌健毫呂公祠側羞溪毛陽侯起舞湘靈笑
天地渾疑在桔槔

董子讀書臺

立馬尋碑讀城西得此臺幾年下帷客兩漢著
書才僻地一何幸經生期後來泠泠鬲津水挹
薦古尊壘

補種花果

化龍池畔草全荒更有垂雲舊草堂
隙地每愁花事盡寥天宜補樹陰涼
十年心計臨風託一夜膏融過雨望
招得東陽范邨客秋容會見繞籬黃

戊子冬與石士侍郎相見於富陽之滄曉
閣別去四載頃蒙過訪不能無詩

四年不見陳驚座看帶閩雲得得來
高閣江聲催過舫九河樹色入衙杯
堂虛有碣君還讀徑僻無花我待栽
飛騎傳詩今夕事寄聲社友在

燕臺

寄茱堂宗卿

常年礬弟與梅兄張北周南望字衡三日別來
頻折簡兩詩成後各呼觥征袍燭下沈沈夜官
柳河干脈脈情出郭巾車相憶處 皇州花事
一聞鶯

唐官屯遇雨

一雨三農望郊原麥未秋溼雲齊抱樹暗水漸
生溝濯翠枝全起搖空氣欲浮相期徧畿輔不

厭滯行轡

廬陵王氏兩世旌孝錄爲王霞九太守題
求忠臣必孝子門孝子之子孝子孫文章政事
有本根廬陵王氏世通顯兩世旌門荷朝

典孝行非徒史官闕史官作傳合與分

翁覃溪汪瑟菴

諸先生皆有傳

臚諸事實俱大文我韻以詩告采芬乙

莊先生少孤露乞藥河干神鬼護五旬至孝嬰
兒慕立齋先生稱孝童幼卽跬步見父風吮創
廬墓至性同猛虎去之盜感泣最奇枯杖萌新

桐姜魚孟筭今復傳王家墓側孝子泉誠哉惟
孝能格天孝能格天必昌後後如君真賢太守
君之文章發渥厚君之爲政可垂久孝子之子
孝子孫君宏先業承國恩

李白樓茂才撫汪巢林梅花卷

我行幾爲杏花誤

時正清明北地
迄未見杏花也

篷底眼明梅

萬樹墨光橫掃三丈長飛去寒香著詩句宋人

梅花譜喜神銀鈎圈瓣羅浮春白衣酒醒作奇

夢清曉嫩寒逢美人美人捉君爲寫真一寫姑

射空纖塵再寫傲骨孤山身孤山合與姑射鄰
過江虬枝屈於鐵千嶂白雲一谿雪西泠木橋
花最豔樊榭山人句清絕當年北渚懷舊游今
者墨妙追前修前則巢林今白樓我所思兮香
雪海君所思兮九里洲買山後約會可遂吳頭
越尾通扁舟

家茶農游盤山寫薊門秋色圖見寄

山靈於我本舊識喜君來游定我憶別去苔岑
已數年賴君寫取山顏色墨痕蒼蒼斧皴皴秋

紅貼額峯嶙峋巨然大癡有縱筆青綠潑手無
荒榛上盤佛雲罩孤寺中盤松樹千龍鱗下盤
磴道夾叢翠雉堞齧齧環城闔雲中仙人笑拍
肩松下童子來執鞭一詩不足塞其請力埽長
絹騰風烟勝游輒懷人客袂儼相接昔我登山
看杏花今君登山看紅葉牙帳天高朔吹鳴九
河秋向酒杯傾藤蘿時有入山夢爲我寄語田
先生

三百三十有三士亭朱石君太傅視學閩

中所建蓋其門人獻石爲贄適有此數也
石土學使葺而新之

盤陀一石太古春

太傅晚號盤陀

怪石作供羔雁新掄

才海嶠誰後身今有石丈江西陳風流前輩兩

儒素

兼謂詩河先生

桃李重新永持護羣英執笏來春

風一夜披榛下甘露榕城旗鼓山鬱蒼斯亭翼

然鼎足望松門竹檻藤蓋瓦開徑但覺莓苔香

我昔三山曾選石石火光中思過客一登蘇嶺

和題句再飲斯亭看題額披圖恍作鼇峯游東

南壇席胥千秋使星復照西湖去放鶴亭邊一
艤舟

白樓出示龍洞紀游圖

几上騰騰起烟靄尺幅岡巒互纓帶青娥手披
錦步幃紅樹山中接山外四度至厯城僅登千
佛山固聞龍洞境幽峭惜無勝侶偕躋攀君言
昨歲暑玉壺鬢邊滿插紅茱萸危厓欲墮三石
甕古剎交映雙浮圖搜奇入洞洞昏黑消化開
皇摸殘刻山僧秉炬來導我萬怪羣趨海雲塞

龍乎龍乎禱雨靈常年取水此地經佛頭晴雪
掛飛瀑楊枝水潑山花馨僕愛譚山對尊酒君
手何慙黃子久後期卅里小籃輿演老巖前摘
星斗

滄州示門人張東魯進士

聽風聽雨已連朝纔喜聞雞動晝曉溼霧天光
開渤海曉烟山色入中條土牛歷歷新隄固酒
旆沈沈小市囂見說門生能講學陽城遺躅未
全遙

沛上李氏夢園

任城昨訪舊池塘杜老祠邊百草香但羨陪游
許主簿不逢好客賀知章名園郭外秋如夢佳
畫尊前墨更蒼補石疏泉後人事不難重振讀
書堂

靜海縣

燕山舊渦口小寨靖風烟廿里獨流鎮連檣對
子船課鹽除弊政輸粟轉豐年萬竈牢盆在何
由策萬全

觀山谷論書

芒刃何由拭太阿
木人自笑舞婆娑
萬緣閱盡空蚊蚋
陶謝詩中八法多

青李來禽應自種
糟薑煨芋肯依人
枯杉倒檜霜天老
賞到西臺自有真

幼安聲價滿江西
草聖龍蛇滿壁題
阿兄自入黃龍後
進步山高百尺梯

荆公驢後俞清老
埽塔衣新聽曉鐘
世事如何翻著屐
眼前魏晉是禪宗

偕李白樓姚子樞黃晴初宋杓侯訪通州

登瀛書院

開拓文章眼界寬
城西高閣出林端
登雲天近齊簪筆
看雨人來一倚闌
遠岫殘霞紅閃閃
平疇稚麥綠攢攢
晚歸吹面風猶緊
滿路楊花送客鞍

卸糧

車塵東郡憶吳航
盤礴兼旬宛水鄉
負郭風傳朝市鬧
打窗雨入夜鐙涼
長隄屢測三篙漲
小

艇看分萬斛糧邪許聲中吟未穩欲乘空闊聽
鳴榔

晚風不綰柳絲絲一任花飛綠暗時東岸培泥
西岸塌前船停楫後船遲春流自在清堪挹古
月當空照肯疲惟有推篷觀物理鷺鷥無語要
題詩

靜中思動挽琬弓忙裏尋閒倚短篷穿暝鳥歸
樵徑雨候潮人立釣絲風好詩入畫苔皆韻佳
客談山酒半中看盡盆花餘綠葉猶呼新汲灌

芳叢

京國懷人賦早朝筆牀茶竈滯輕橈畫因愛澹
濡毫暈香爲嫌濃隔瓦燒貼水紅霞明似火連
邨綠樹湧如潮扈隨東去榆關路尙記初程八
里橋

歷亭

歷亭六日五浮航情性由來愛水鄉午後柳陰
微覺澹靜中荷氣自生涼明湖如主頻招客中
酒能仙不礙狂小鳥葦閒聲札札更無蛙鼓擾

迴塘

梔子

瓦盆梔子兩三花
四面晴窗拓碧紗
一陳天風龍尾過
不知清悟落禪家

蚤起看籬下牽牛花
約夏伯恬賦詩伯恬
索觀舊作以次裒錄成卷
覺前後詩境稍易
迄無進步耳

犯曉來餐露柔枝繞
短籬背人癡白若斂日假
何爲清異錄牽牛假君子活翠剛宜畫
初涼數入詩幾年

敲笠看杼軸有餘思

四女寺

不櫛皆成國士風故應祠廟此邦崇
十篇閨閣知論語一傳才名附尙宮
衛水清冷涼月白貝邱蕭瑟野花紅
年年轉漕帆檣利極目靈旗澍雨中

四女寺支河宣洩
盛漲以利漕行

吳孝子

嗚乎吳孝子誓不尋親不如死足踏荆襄數千
里負骨歸來母心喜孝子之父死澧州廿年榛

莽埋江頭旅棺幸而姓氏留母也年高遲遠征
有弟成立乃成行身爲乞兒不識名別母他鄉
信音絕兩載鶉衣綻風雪招魂不來寸心裂寸
心抱石不欲生石門南渡河水清上帝降鑒夜
夢驚夢裏有神導之走爾親遺骸古廟後醒而
求之一棺朽摩挲題字哭失聲廟祝贈篋憐其
情萬山歸路芒屨輕孝子首邱成父志西江其
名應壁字吾本里人悉遺事詩告采風上國
史嗚乎吳孝子

蘇羅國王墓

明永樂十五年王修朝禮歸次德州卒葬於城西

重譯無端下北邙城西斷碣怯滄桑中原心折
朝儀肅萬里魂歸水驛長弔月封狐愁翠爪啼
春杜宇繞青棠海東怨浪應輸與汶衛河聲徹
夜涼

明僉事許忠節公祠在惠民縣年久傾圮
道光壬辰縣丞錢普雲葺而新之並於祠
側闢安民園因縣治舊有破寇安民碑頌
公德政也

遇變南昌氣節伸
遺碑屢次廟重新
磨幢雲際還驚賊
花木園中尙茁民
仙尉哦松眞好事
重陽插菊爲生辰
重九爲公生日
當時若少奇兵制
六郡何由守要津

劉辛莊卽事二首

汶水高於衛河防
七月秋危灘齊掛
柳小塢亦藏舟
飛騎來中夜沈
鼉在下游嘉禾
正棲畝及此斷
洪流

萬鋪連朝集功成
不日中隄形環
半月溜勢避

斜風橫海黿鼉駕傳郵雁驚通所欣無畛域民
志樂輸同

南旺湖偶成寄題匡山

遠烟羃歷古松杉南旺湖頭夕照銜潮長上流
知放聞雀喧高樹見開帆早餐瓢菜霜初透春
信益梅雪尙緘阻雨前朝眞缺事無由杖策讀
書巖

過楊柳青偶然作

楊柳爲儂三度青愛儂詩句自亭亭將詩唱與

垂楊底柳口人家可要聽

自柳口移舟至桃口

問渡桃花口初從柳口經
水連沙埭白天入麥畦
青風日揚帆麗魚蝦出網腥
紅橋回首處獨少短長亭

江山萬里石屏藏
貴貧西侍郎家題詩鐫其上

點蒼山石雲模糊膚寸奇
絕天然圖乾坤迸入玉女鏡
日月跳出仙人壺
河流浩浩走江漢楚

樹歷歷連蜀吳龜茲奉枕三日臥游心八表當
容吾

和茱堂倉帥綠園書屋海棠歌元韻

津門客有送花者十日篷窗對嬌姬吟邊酒畔
寂寂春翠袖無言紅自鞞猛憶西園正花事燒
燭心馳急如火竭來穀雨節已過滿屋狂花肯
遲去聲我先生示我花下詩不共看花和詩可繼
園書屋綠漸繁想象花仙舊梳裏有如美歷得
好夢醒後追尋曉烟鎖十年前和坡老詩游蹟

春明詎相左花之寺卽定惠院拄杖敲門來宴

坐相逢參軍

謂鮑覺生丈

鬪險韻百疊奇情測誠叵

僧廚破律一狂醉簾角濃陰受風簸晨星零落
酒伴稀野外鐘聲聽無那先生富貴出天姿健
筆凌霄起頑情千帆潞水日晴麗一樹官齋花
貼妥攜得看花雙眼明白粲堆堆玉色瑳文書
晝靜輒埽徑吏退焚香息勞瘁艤舟城東藥廟
前喜覩新篇采雲墮朝餐石首比雋味暮想豐
臺買紅朶插花起舞爲公壽

用坡公句

欲博壽蘇吟

口歌

送春日茶翁疊前韻見贈有朝 天方賞
金帶圍佇見朋簪笑聲歌句復同前韻兼
柬春明同社諸公

海棠看過看紅藥瓶供枝枝顏色姬停舟瞥眼
春事闌白塢橋頭柳陰禪分無櫻筍佐婪尾郁
李堆盤豔如火詩來譽及金帶圍吉祥雲中期
許我劉攽腰腹殊未稱廣平心腸庶平可瑤篇
格律老更堅一十九連妙兜裏盍簪人遠郵繭

牋鈴徧朝嚴閉歲鎖因公卻憶舊樂敦前席修

門殆虛左農老養病成散仙彭春農學士海叟司宗

首僚坐卓海帆宗卿汪倫不襲潭水句徵鬼搜神意

無叵汪大竹比部吳家二穀臺閣文一掃緇塵淨箕

簸吳小穀舍人西穀光祿壺園新寄寄巢集棲鳳梧岡亦

無那徐廉峯太史良時折簡互唱酬隔歲題緘愧疏

情誰知通州海棠詠綠草河干蝶飛安日斜飛

騎送詩卷五開沙明一色瑳當官差喜片刻閒

丁力剛紓萬夫瘁詰朝通明奏綠章咳唾隨風

九天墮諸公握手舊歡續定爲閑屏插干朶
先生半主我半客作主客圖笑喧歌

良鄉宏恩寺觀偃蓋松

下馬征衫趁好風入門偃蓋影童童西山一別
蒼髯叟咫尺飛濤落掌中

牛鏡堂廉訪遺余大理石屏二用坡公仇
池石韻爲報

娟娟點蒼山苔古不藏綠當年南詔遠中原望
雞足踏天割片雲窮窺出巖腹赭痕錦全斑墨

色黛微蹙琢手資匠石窮搜到樵牧關屏起陵
巒掛鏡涵海濱感君解囊贈高誼在攻玉同岑
若平生靜對愜三伏常時迦葉參昨夜鐙花卜
翩然迓靈鷲萬里來相逐前賢韻挽報奇語緬
坡谷洮礪尙見珍仇池壓所欲蒼翠與明淨鐫
題字蟠曲詩成付牙將會趁馬蹄速

春木自定己巳以前詩爲八卷寄示題後
替人應不媿桐城如爾真非鄉曲英蜀棧攀雲
山動色梁園被酒客逃名渭南集裏愁奇句野

史亭邊狎巨觥詩律欲如文律細漢廷老吏幾
回驚

碩士學使和隨園惡老詩見寄學使僅六
十七歲烏云老也

碩翁年不老乃和惡老詩隨園談諧妙說法翁
則端坐撚霜髭輒言目力不助口何以又讀摩
崖碑南明藤杖纔脫手西湖招客銜酒卮朝陽
在東固可愛返照更絢紅霞姿我今爲作反招
隱翁曰唯唯殆許之明當還朝長兒齒飽食

城南新筍枝

病暑

驕陽乍退又秋陽
病暑連朝廢舉觴
舊甕菜藏春不老
空庭花發夜來香
閒能謝客苔侵屐
嬾未裁詩句積囊
賴有長鬚奴解字
齋頭分得曝書忙

漫水

漫水環城事大難
側身四望屢憑闌
山榴摘蕊爲魚餌
野莧刪枝當竹看
吠蛤園亭猶爽塏
泛

鷗邨舍正狂瀾明朝掛纜龍門合東指鉤盤去
路寬

歸雲圖仲雲守濟南時乞張茶農明府作
誰弗歸田想鄉心逐宦深西湖況招汝東岱尙
爲霖雲影山中蓋濤聲海上琴誤入江水誓歲
月兩侵尋

把酒歌金縷茫茫十載前鵲華皆舊部梅鶴入
中年詩境翻雲上秋心與竹妍有懷丹粉手百
越渺風煙

茶農遠
宦粵東

章直齋大令羌中露布硯

磨墨磨人氣總豪從戎裝壓赫連刀題詩戈壁
無春草朔月渾河有怒濤曾聽鐃歌書露布未
隨勇爵醉蒲萄年來滌爾東瀛水又入龍門伴
鵲袍

趵突泉偕仲雲小憩

噴雪滿林薄濤聲逼晚涼仙蹤來一鶴秋思在
垂楊水鏡極天淨籬花背客香道人求近句礪
石小亭旁

舟中

重九歸來成小極未簪黃菊未持螯不期闕事

舟中補枕藉東方得二豪

謂白樓秋池

水次書所見

老翁鬚小牛拳毛漸豐足犁田教守轍翻以角
相觸世閒不平事奈此是殼鯨翁尙憩土橋飲
之河水綠

讀楊忠烈公文集書後

觥觥大集髯先生日星河嶽同光明我朝金

鑑援勝國明臣奏議編 三清公疏魏瓘廿四

罪 純廟特筆褒忠貞太阿倒置君綬旒羣奸

竊柄勢已成公豈不知不可爲欲回主意以死

爭方其內擢舉循政給諫小臣預顧命一爭封

后一移宮中外危疑片言定文言之獄羅織工

楊左有黨誰異同哀哉大呼仰天語豈有貪賊

楊大洪明心堂作昧心處出袖獄詞又何據黃

芝墮地虹亘天笑口東風就刀鋸讀公家書悽

斷腸不爲仰藥不逃亡丁巳親筆宜著意尙以

令名貽先皇噫吁嘻母妻城樓一枝偕子孫廬
山寄僧舍千人資助萬人哭留得公文關造化
思宗卽位逮厥臣易名已見正氣伸何如我
朝奎藻弁簡首 廷試孝廉公後人 今博平令
楊祖憲舉
孝廉方
正科

大雪日渡口驛

釀雪應飛雪田家歲事論午風盤大野寒日淡
孤邨渚淺添冰暈籬荒見燒痕不知催暝色鴉
陣馬前翻

雪彌陀

咄哉瑞雪中人天大歡喜小兒幻想乃有此法
相裝成一彈指彌陀之目嵌雙核彌陀之脣貼
紅紙嘻嘻作笑羣兒顛世人煩惱吁可憐皤然
其腹大於斗塊壘槎枒亦何有就中空洞納鐙
火胸次光明絕纖垢阿彌陀羣兒頂禮將手摩
六花飛舞多伽羅明朝變相更奇詭改作金精
大師子

金亞伯給諫大江泛月圖

吾家江以南江水繫歸夢寥寥碧天蒼蒼雲何
日扁舟呼月送昔年江上青山青高歌擊楫魚
龍聽焦山捫碑得瘞鶴金山汲井烹中泠山僧
開堂夜留客萬里滄波納咫尺別後紅船入畫
來笛聲飛去瓜洲驛君也乘風掛席行心如月
朗官水清奇書過眼氣豪放濁酒到口詩縱橫
霄漢清光照青瑣點點江天舊漁火諫草焚時
知避人白鷗盟處應懷我過江江水愛錢唐越
尾吳頭是故鄉九里梅花春似海約君同泛月

中航

東光鐵菩薩歌

一佛二菩薩元金不壞身鍛工百鍊仗佛力法
雲普覆東光民我今爲麥禱甘雨穰楫城邊候
津鼓此邦千家盛香火菩薩低眉其許可縣官
焚香前致辭隆冬缺雪田不治佛言民情萬千
變爾官臨下須鐵面佛言蒼生望作霖爾官持
已須鐵心一朝鑄錯六州惜鐵案如山不可易
將身說法警眾生凡百敬聽心和平楊枝一灑

大歡喜佛天佛地宜春耕

盆花

津門有客致盆花客裏花晨景色嘉直抵釵環
簾下拜更無蜂蝶水邊譁銀魚白蜺朝酣酒青
果紅鹽午鬪茶遙憶豐宜門外路丁香時節走
香車

一河西務

河窄連檣泊非緣阻石尤麤沙紅廟堧雜樹土
門樓花氣熏晴旭楊枝插亂流遣閒詩酒射三

者足寶儔

寄袁少迂

巖灘紅樹泊舟時
銀甲聲中盡別卮
歲月忽如羊胛熟
畫圖最愛虎頭癡
貧交落落牽蘿想
老境垂垂啖蔗知
何日東歸同聽雨
粥香茶釀一軒髭

寄題通州水月庵

可有香花護佛龕
漁洋題句在城南
匆匆四聽迴帆鼓
未訪殘僧水月庵

德州偶詠

三高墓碣遺宣武魚豕摩挲黯夕曛欲起古歡
堂上客六州同補六朝文

薄薄春雲籠岱嶽浪浪暮雨灑秋河何人憑弔

蘆南子樂府聽殘白紵歌

鄒蘆南
名頤賢

六十六松相間青李公避地舊傳經九原隨會

無由問落月方暉在矩亭

矩亭屋瓦皆方
後名見可園

方山手輯先賢傳羅酒招邀往蹟論不見當年

銀瓦寺清川但繞謝公邨

布穀

繞邨布穀一聲聲如畫涼宵尙自鳴催起老龍
快行雨大田龜坼不堪耕

南池懷古和文秋潭相國元韻

主簿千秋幸南池五字吟城隅新潏灩小艇舊
招尋落日菰蒲晚涼雲海嶽沈如何酒樓客不
共賞清音

下筆紛時事艱虞歎不辰嵒山懷舊日東郡宦
游人良友江湖滿高秋水石親明知無棄物葵

藿向中宸

哨馬營

日淡霜清候漸寒沿隄緩步駐吟鞍稻場揚米
濃雲起鰍地鋤泥積雪乾邨靜時聞雞報子林
喧忽見雀驚丸防秋誰作長河考哨馬營前派
急湍

田山薑有長河考二卷

魏家灣

舊蓋低檐屋新糊細格窗驟寒添獸炭淺醉盡
雞缸短煥牆頭插疏鐘樹鏗撞三更聞過雁鄉

思未能降

雜興

東人高帽屋南人寬鞵船一冠與一履各適其
自然相見縱相笑異地而勿遷明朝跨驢水驛
前解囊同買張秋鹽

縣家有民壯亦如營有兵近設白蠟桿用以利
緝巡使桿一日難三月藝可成君不見陽明先
生能化俗時令軍人呷熱粥

卅錢一升米三錢一束薪牖內當兌漕米貴更

有因關吏禁出販豈止在海濱欲平米價爲便民富商積米如積薪

一船載千斛受兌河中泓南下讓空運河窄帆檣盈我船兩岸泊爾船東岸行何時送爾過任城我亦轉柁趨臨清

贈白樓

名場等遊戲下第亦恬然兄弟皆爲客烟雲已可傳蕭疏幾行墨靜妙七條絃領得閒中趣同行又一年

僧舍爲官舍更闌佛火紅賞心奇句在抵足夜
談雄魯酒沈酣後吳山藝語中聞雞偕起舞殘
月尙簾櫳

張秋聞招銘山將攝朝城令卻寄一首銘
山畫竹蓬萊閣乃前歲事也

昔聞高閣句走馬上蓬萊豪氣千鴟倒雄心萬
竹開天生出塵筆官愛濟時才擊楫應思我迴
帆握手來

寄徐秋池時尙病足

一唱迷陽曲端居悔執鞭禦寒倭墮帽

俗便帽名猶古

倭墮髻之意

寫豔研光箋斗室乾坤窄雙丸歲月遷

小春腰腳健煩悶子無然

白樸訂游玉露庵並道其勝先索題句

沆瀣從來一氣凝此間應有舊傳鐙兩三客醉
無多酒五百人參最上乘秋後詩皆垂筆露東
來我亦掛單僧門前清絕泠泠水趺坐流杯得
未曾

防河

大官崇節儉元氣或能扶積弊祛尤甚觀風識
所趨萬流新曲直九派古興圖近代防河策我
思陸朗夫

先生著運
河備覽

分水龍王廟拜白老人象

霜重寒逾峭層樓踏曉霞河光透翡翠野色壤
袈裟小吏披神帳殘僧獻客茶千人看利市手
自薦黃花

阻淺待前後兩閘下板蓄水始得暢行

守閘千艘集河流在節宣龍神更無那鷗夢亦

愴然倒篋驅書蠹開窗放燭煙更闌開捩柁三尺足磯前

習靜

習靜深衣坐吾舟小繭窩鳥聲清似磬駒影急於梭讀書常開悟當杯亦養和平生三上句枕上得來多

安山閣

薄靄旭初升濃霜暖漸蒸漁舟看放鴨獵騎聽呼鷹屋密樹無勢磯荒水有棱欲尋新蠟屐緣

徑踏峻嶒

由東昌陸行至梁家淺月夜折回舟中

舟行悶久陸行宜行繞頽垣復短籬斜月出林
微覺瘦驚潮過閘亦無奇霏霏夜氣興肩溼獵
獵寒聲蓬腳移正似渚青沙白景勞人如鳥倦
還時

夏津

早行輿背日曛曛嘹唳岡頭數點鴻路直界來
千頃麥邨圓圍住萬株楓長河溜急還遲凍落

葉風高欲舞空宦久多慙迎竹馬姓名早已識
兒童

菜飯

偶將瓢菜入新杭鄉味頻年齒頰清隔甌香多
皆玉屑流匙色膩比青精邨夫一飽餘何羨館
客加餐最有情不用雕胡懷宋玉老妻素手擅
調羹

阻風遣興

登舟已三日行不滿卅里狂風輒見阻帆力無

由使有如鈍秀才下帷鑽故紙何怪煩慮生何
法能遣此張我三尺琴瑤軫當風理一彈波浪
恬再彈烟霧靡魚龍聽平心終曲月華起乃知
驚濤中前慮亦徒爾希聲天廟器悄悄靜以俟
明當遇順風擊楫中流駛

陳玉生同年近拜江西巡撫之命郵詩
奉賀兼柬陳蓮史廉訪許滇生學使

十年吳下聽歌謳玉節西移擁八騶人說一科
三鼎甲天教同宦百華洲民風士習相爲理

貢水章江本合流頻歲災區待休養定紆良策
起甌窶

蔡邕

蔡邕北去掛帆宜早見中流插柳枝逆水如湯
圍鼎沸斜陽似鏡入匳遲遙遙曠野聞騾鐸裊
裊長天界緯絲讀書閒來覓新句眼前收拾盡
堪詩

石壩訪李氏園中有荷風榭是何蘭士前
輩題額

石礪維舟白日閒
籃輿徑度小橋灣
誰知一角荷風榭
賸有荒溪曲曲環

千章夾岸綠雲頽
松柏榆楊棗杏槐
可嘆十年心計在
入林已見斧斤來

魏笛生程蕉雲先後招集文昌閣各攜法
歲余所作補襖圖張之壁間

傑閣何年倚暮霞
鮑邱水繞碧隄沙
伯珪戰壘空埋鏃
牧仲溪堂半落花
懷古幾人詩版在
銜杯連夕酒旗斜
多情爲我聯裙屐
障壁分攜舊

畫義

皇州柳色薊門煙百雉迴關到坐前遠嶂隔林
招白雨大橋跨牖走紅泉諸生共悅觀風使三
月端宜祓禊天歸騎嚴城回首望如珠鐙采斗
篷邊

津門寄竹初弟

海口潮生乍度關阻風中酒暮橋灣清宵聽櫓
常疑雁白晝看雲便當山城角鴉聲催雨過渡
頭柳色送人還惠連吟倦應同夢可在池塘淺

水間

宿武城得雨

經時不雨問荒莊一雨青蔥入遠望不但攜鋤
田父笑出林黃犢已成行

汝衛疊報水長軍船放牐暢行

上河籌水乍開函擊蓄連朝馬控銜新漲全資
東岱雨恬流直送鬲津帆大橋日落黃堆溜平
陽烟生綠滿鏡再拜升香答神貺靈旗風裏拂
征衫

有懷松風草堂

澄心堂中聯舊雨翦韭良宵客揮麈南北衝途
冠蓋多初筵脫略婆娑舞清淵堂中聽新雨三
點三更應衙鼓山城誰主東諸侯按部何如漢
何武夢裏茆堂雨更宜繞檐謾謾松風吹遠游
有方胡不歸江頭當有快馬騎

喬將軍詩

明喬將軍名一琦者上海人熊廷弼爲
經略署游擊使部高句麗戍兵萬五千

俺答妻老三娘子素聞其名因問約與
語將軍直抵廬帳密從畫師圖其貌作
款關狀以歸他日來就飲願而哂焉抽
刀削去之旦曰將軍乃神人因解所乘
馬爲贈未幾將軍夜破軍門告警經略
遲疑未決警報浹至如所言遂召將軍
任以事居無何老三娘子謀洩殲於軍
將軍孤軍被圍不得出左右曰非降無
自拔理將軍遂投崖死所乘馬亦躍崖

下左右從之者四十有二人嗚呼李陵
生降于載隕涕烈士何擇焉將軍知之
矣余悲其志弔以詩

將軍滴水崖前死義膽忠肝照青史高句麗兵
萬五千將軍所部歷有年長身八尺控猿臂須
髯颯爽神高騫傳聞俺答三娘子將軍與之角
弓矢開筵酪肉酒半酣心折蛾眉從此始畫師
寫艷來款關窄衫眞拜屏風間拔刀肯爲作嚮
導衆人不見孤軍還嗚呼將軍英且烈彼娘子

軍亦同絕亂山積石如蝟多千秋碧血遶東河
禹城

馬上看紅葉朝曦射眼來餘寒生客袖輕暖入
邨醅課歲稱中稔通渠想幹才欲攜櫟楸說一
上禹王臺

舊瓦硯自辛卯至丙申首尾六年遽成穿
空作穿硯圖題詩自嘲

年來退筆真無算瓦硯磨穿可笑人畫被自慙
無進步擘窠聊喜得天真名場回首登科晚宜

轍關心轉粟頻贍有書生清結習未容案牘稍
留塵

送客曉渡浮橋

寒威風後勁送客出郵亭大野留殘燒長河浸
曉星戍旗圍樹黯漁市過橋腥北望平沙路冬
來獵騎經

滄州鐵師子歌

喜門深大狻猊守破暝撞鐘聞一吼空腹中能
轉法輪不合人間犀兕鬪元金鍛鍊爲金精鋸

牙鉤爪毛骨獐僧迦牽來疏勒國棣州作鎮羣
盜驚狂飈走沙五百里黑夜降魔舒佛指長官
解說涅槃法此輩真成醉象矣彼螺髻者何人
斯北方詫爾稀世奇動搖鬚毛少羈勒要與東
光菩薩騎

諺云滄州師子景州塔東光縣裏鐵菩薩

紀花之寺海棠呈阮芸臺相國

花之寺中雙海棠高枝出屋十丈強花時士夫
來讌賞不知種自董富陽阮公爲我道逸事當
時相公廬墓心朝堂側聞剿賊警烽燧待命

蕭寺三月眞旁皇憂來晨夕聽鐘梵半弓隙地
留紅芳由來種菜多避忌花開花謝枉送春風
忙我聞公言請筆記事關朝局毋遺忘不然百
年韻事尙鐫石如棗花寺之丁香一株傳自王
漁洋

謁明陵八韻

帝駕臨邊域 天恩逮勝朝五陵 千仗列三

爵一坏澆

陵上親視五
陵禮奠三傳

遠岫青環護明樓赤建

標

宸碑增慨歎

陵純廟哀明
詩勒碑

內帑飾飄搖

文石工何侈重垣語更驕負關成土瓦竄賊入
松椒謝李闕山居末季妃園祔孤忠史冊昭銅
駝應感泣歲歲禁山樵

高陽

暑退涼生後雲濃日澹時寺樓分作店野水積
成池井喜新泉活茶嫌小竈遲老僧似相識出
贈古松枝

洗足

三日一梳髮五日一洗足導火使歸源自著養

生錄旅行亦弗輟擾擾笑塵躅鋪簟納涼風神
清無暑溽

我行無遠近必與賓客俱此來成塊獨執卷以
自娛高談無所陳但見童僕趨兩餐僅一刻嬾
問花間壺兀坐輒細思習慣由江湖節飲遂強
飯所得亦不輸

詩船詩錄卷六終

外曾孫耿善勛重校